

瘍

醫

大

全

瘍醫大全目錄

卷二十五

腿膝部

骨痿瘡門主論

腿遊風門主論

肚門癰門主論

上水魚門主論

黃鯨癰門主論

大腿癰門主論

附骨疽門主論附方

多骨疽門主論附方

咬骨疽門主論

箕門癰門主論

肉蜈蜂門主論

玄疽門主論

陰疽門主論

膝蓋癰門主論

膝眼毒門主論

膝眼風門主論

鶴膝風門主論 附方

小兒鶴膝門主論

人面瘡門主論 附方

骨槽疽門主論

伏兔癰門主論

下石疽門主論

綏疽門主論

下疽疔門主論

瘍毒大全

卷之十五 目錄

二 顧氏秘書

委中毒門主論

四灣風門主論

流火門主論附方

腓腓部

三里發門主論

合陽疽門主論

脚氣瘡門主論

賺瘡門主論附方

血瘋瘡門主論附方

血槽風門主論

濕腫門主論 附方

腎臟風痞門主論 附方

濕毒流注門主論 附方

附陰疽門主論

瓜藤纏門主論

接骨發門主論

黃蠟癰門主論

雞漏門主論

青蛇便門主論

魚肚癰門主論

腔疽門主論

疥癩疽門主論

瘍醫大全卷二十五

蘇湖顧世澄練江氏纂輯

增錢之栢東楊
男權燮用和
全核

腿膝部

自膝至腿膝灣止一切癰疽疔毒皆彙於此部中以
便檢閱衆治


瘍醫大全

卷二十五 骨痿瘡

斷斤秘書

骨痿瘡門主論

申斗坦曰骨痿瘡乃足少陽膽經多氣少血其
瘡生於兩胯骨上漸大筋骨俱痛痿開流水水
盡則死如胯間相對生瘡者十無一生用夫馬屁
勃墊睡莫令磨着內服補中益氣湯啟玄



鳥身之全一
卷二十五
二
顧氏秘書

腿遊風門主論

王肯堂曰腿遊風腿股忽然赤腫風熱相搏屬足太

陽經宜砭去惡血

準繩

心法曰腿遊風在兩腿忽裡忽外忽上忽下不定紅
色形如堆雲焮痛由榮衛風熱相搏結滯而
成凡遇此證先施砭石砭去惡血外貼牛肉片以
拔風甚效

肚門癰門主論

心法曰肚門癰生於大腿肚屬足太陽膀胱經所主

上水魚門主論

心法曰上水魚生委中招紋兩稍腫如高埂長若魚
形色紫作痛由血熱遇外寒稽留則血瘀凝結而
成外宜向腫埂上砭出惡血用二黃散卽顛倒散
香油調敷甚效

黃鰵癰門主論

申斗垣曰黃鰵癰生於大腿外側連髻處有一條如鰵形深陷窄長或不見紅腫堅硬如石約長七八寸大者爲頭小者爲尾鰵頭向上者防毒內攻小腹難治鰵頭向下毒雖凶不傷命名爲順症凡醫必尋其頭用三稜針先針住鰵肚次針鰵尾再用小針針住鰵頭兩邊當用艾灸三十壯左右轉針先起尾針視鰵形不動是鰵已死如動再依前法灸之內服內托流氣飲或真人活命飲外以薑汁

猪膽汁好醋全調鉄箍散敷之

敬立

心法曰黃鰵癰生小腿肚裏側硬腫長有數寸形如泥鰵其色微紅由肝脾二經濕熱凝結而成如期潰出稠膿者吉如潰流污水敗漿者凶治同癰疽

全鑑

王肯堂曰脛陰疽又名黃鰵癰生足小肚內側微紅微腫堅硬如石三四寸許痛楚難禁足太陰與足厥陰二經濕熱又積憤所致若過時潰出清水虛火上升嘔吐不食者不治

準繩

大腿癰門主論

陳遠公曰有腿上忽腫一塊其色如常不疼人以爲癰疽也誰知氣虛之故乎夫癰成于腫未有腫而不變爲癰者予謂氣虛非癰人誰識之嗟乎氣所以行血者也氣行則血行總有邪氣斷難成腫彼邪氣之盛每成于氣血之衰其腫爲癰每每作痛色必變紅赤也今既不疼色又不變是有腫之名無腫之實全是氣虛血無以養非邪盛而氣不能鼓也治法補氣以扶正不必化毒以祛邪用補中

益氣湯 人參 五錢 白朮 一兩 生黃芪 一兩 當歸 五

錢 柴胡 一錢 升麻 五分 陳皮 一錢 生甘草 二錢 半

夏 二錢 茯苓 三錢 水煎服十劑腫消此方益氣聖

藥非消毒之劑何以用之消腫耶蓋真氣奪則虛邪氣盛則實真氣既虛邪氣益盛不用補氣氣何以行腫何以化耶此方補氣即所以消腫也况益以化痰去濕之品故更易收功耳 水鑑

馮魯瞻曰腿癱者發於內側屬肝脾二經發於外側屬膽胃二經平陷堅硬者為氣虛當用內補黃芪

湯勢焮腫痛者當用內托柴胡湯外用蒜灸

錦囊

申斗垣曰陰包毒在大腿內是足厥陰肝經風熱之

毒宜黃芪柴胡湯此湯治腿內近股癰疽大有神

功敬玄

寶漢卿曰肺疽在腿內側腫高而硬俗言此疽堅硬

無膿殊不知內膿已成一時不能透出皮膚須用

內托方潰膿急宜針

馮魯瞻曰腿前廉爲陽明白芷升麻爲引後廉太陽

羌活防風爲引外廉少陽柴胡爲引內廉厥陰青

皮吳萸爲引內前廉太陰蒼朮白芷爲引治無遺
法矣

附骨疽門主論

陳寶功曰附骨疽乃陰寒入骨之病凡受者皆由體
虛之人夏秋露臥寒濕內襲或房慾之後蓋覆單
薄寒氣乘虛入裏初起寒熱交作狀似風邪隨後
轉腿筋骨作痛不熱不紅疼至徹骨甚者曲伸不
能轉側日久陰變爲陽寒化爲熱熱甚則腐肉爲
膿此疽已成也初起萬靈丹發汗散寒通行經絡
次以大防風湯行經活血滲濕補虛如生於尻髻
部位漫腫作痛者內托羌活湯腿內近膝股漫腫

木痛者內托芪柴湯腿外側者內托酒煎湯虛者
十全大補湯加羌活牛膝防風防已如已成欲作
膿者附子八珍湯膿成脹痛者針之切不可誤用
損脾泄氣敗毒等藥外忌寒涼敷捺誤治必致冰
凝氣血內肉瘀腐日久化爲污水敗膿流而不禁
大腿漸漸腫如東瓜上過臍腹下連足底牽連漫
腫皮色不紅日久潰膿色白腥穢腫仍不消痛仍
不減元氣日衰身體縮小唇舌乾焦二便枯秘飲
食不進者終爲不吉

正宗

馮魯瞻曰如環跳穴即勝眼及脚跟徹痛不已外皮如

故脉沉數或滑者防生附骨疽乃三陰經虛寒濕

流注毒氣附着於骨而成究竟有何毒氣乃腎經

陽和之氣不足故腎部隧道骨縫之間氣不宣行陰血凝滯內鬱濕熱為

潰為膿所以有久服入味丸令人無骨疽之語謂

骨煖氣行血無壅滯毒何生焉。錦囊

又曰凡一切附骨癰疽皆起於腎腎主骨治宜溫補
腎氣骨得陽和則腫硬自能冰解矣

李東垣曰附骨疽者以其毒氣深沉附着於骨也此
疾與賊風相類而不同人能辨此庶無誤焉蓋附

骨疽者由秋夏露臥爲冷折之風熱伏結附骨成
疽賊風之候由風邪之氣搏於骨節故其痛深徹
骨髓遇寒則痛甚附骨疽痛而不能轉側初按之
應骨皮肉微急洪洪如肥狀是也其賊風皮骨不
甚熱而索索惡寒時復汗出常欲熱熨痛處卽得
少寬其附骨疽初時但痛無時乍寒乍熱而無汗
者經久不消極陰生陽寒化爲熱而潰也賊風不
治久而變爲攣曲偏枯所以不同也

竇漢卿曰附骨疽又名貼骨疽初起用筋頭按患處

極痛是穴以墨點定灸百壯爲率不拘壯數總以艾壯爆起乃其驗也可不必多灸矣大法初宜灸之方可保命若待膿成然後火針刺之百人之中能生幾何

又曰骨疽之發皆由血凝氣滯徹骨酸疼或房事過勞或乘虛入水感風合寒或風毒邪熱侵乎榮衛或憂鬱傷於心肝膽腎或醇酒炙燻是以腫痛日久成膿初起宜灸百壯以骨熱爲度久則宜用銀針破之血膿乃元氣盛易愈白膿乃氣弱難愈治

法以獨活寄生湯兼服十全大補湯倍加茅蒼朮
新昌白朮及肉桂乾薑人參黃芪當歸爲先鋒之
要劑治之無不愈者外用肉桂乾薑白芷防風蒼
朮烏藥龜版酥炙五倍子陳小粉各等分爲末加麝
香少許和勻老薑汁五合醋三合葱半觔蜜一兩
全搗取汁火上熬滾乘熱調藥搽患處四向空中
出毒氣時用餘汁煎熱潤之以助藥力少勞戒氣
絕欲除想十旬方愈若病人不遵從醫師之訓任
一已之見恣情傲物憂慮萬端不能制六氣七情

之私雖天醫院靈官亦不能治何況中醫乎

胡公弼曰貼骨癰卽附骨疽生大腿外側骨上高不見高腫不見紅痛深至骨者是也

詩囊

陳寶功曰初起通用人參敗毒散加木瓜牛膝蘇木紅花虛者十全大補湯加羌活防已牛膝已成欲作膿者附子八珍湯膿成針之體實膿黃十全大補湯體弱膿清保元大成湯

又曰又有風濕相乘之證初起寒熱交作次傳腿腫作痛其形光亮微紅發熱腫痛按之如泥不便起

者宜當歸拈痛湯

又曰又有房慾傷寒受熱互變氣血乖違經脈橫解受病日深此等症候皆由元氣不足中來切不可悞用寒涼

胡公弼曰附骨疽皮色不變勢不高阜微覺痛癢經久不潰又無膿血者發於骨髓腎主骨腎經虛憊寒邪易入入則骨氣冷而患成疽毒緊附骨而外無形症是疽之根原起於腎也宜用八味丸多加附子以溫腎氣更以十全大補湯助之腎氣一溫

骨不寒而毒勢外出則疽不附骨病者得生機矣
青囊

汪省之曰附骨疽乃流注之敗症也如用涼藥則內
傷其脾外冰其血脾主肌肉脾氣受傷飲食必減
肌肉不生血爲脈絡血旣受冰則血氣不旺而愈
滯宜用甘溫大劑脾氣脾氣一健則中州不寒而
生機暢達肌肉自長氣血自運行矣 理例

按準繩等書咸云傷寒汗後餘邪成流注流注之壞
證成附骨疽夫汗後流注易愈惟失治乃爲壞證

不能復生似不能變成附骨疽况附骨疽係調治
可愈之證若果數變之後則壞而又壞矣又豈能
復有成功乎是流注壞證變成附骨疽之說存而
不論可也

附骨疽門三方

雷火神鍼

治風寒濕毒襲於經絡爲患漫腫無頭皮色不
變筋骨疼痛起坐艱難不得安臥者用此針之

斷艾三錢 丁香五分 麝香二分

藥與斷艾揉和先將夾紙作筒如指拇大用艾
藥疊實收用臨用以肖山紙七層平放患上將
鍼點着一頭對患向紙捺實待不痛方起鍼病
甚者再復一次七日後火瘡大發自取功效矣

追風逐濕膏

治風寒暑濕相傷以致骨節疼痛筋攣不能步

履或麻木濕痺等症並效

菴蓂草

川烏

天南星

羌活

草麻子打碎

半夏

海風簾

草烏

真桂枝

麻黃

各三兩

茅蒼木

獨活

當歸

白芷

大黃

各一兩

北細辛

一兩

以上藥阻片用葱汁薑汁各二碗并藥先浸一宿次日用香油半觔同藥入鍋內慢火煎至葱薑二汁將乾不燥時再下香油十觔方與藥相煎攪枯爲度細絹濾清每油一觔下飛過炒黃丹十兩爲準配用再將前油入鍋內煎滾以油滴水成珠不散方下黃丹徐徐攪入其膏已成再下研淨松香末一觔四兩再同熬化取下鍋來以盆頓熨再下乳香木香胡椒輕粉各二兩白芥子末四兩漸入攪和極勻傾入鉢內收貯

旋用熱湯頓化綾緞攤貼七日後諸病可痊百發百中

附骨癰將成用此法卽散

其法急掘地坑以火煨紅沃以童便赤體坐其上以被蓆圍抱下截使熱氣薰蒸腠裡開氣血暢毒氣解而愈

洗寒濕腿痛

重川椒 一錢

蘄艾 四兩

透骨草 一兩

煎湯洗

附骨疽

古銅錢

刮末三分

黃蠟

三錢

油核桃肉

六個

搗碎和勻軟豆腐衣包好用酒空心送下

貼骨癰疽並寒濕氣疼痛

川烏

河水換煮七次

草烏

河水換煮七次

甘草

羊角尖

炙研

番木鱉

用麻黃五錢煎湯泡一宿去毛切片土拌炒脆

土木鱉

去殼淨肉切片香油炒脆各一兩

共為細末用赤沙糖打糊為丸如棗豆大每服

一錢無灰酒送下

鶴膝筋骨腫痛

熟附子 一兩

全

蝎

黑

豆

各四十粒

八角川烏

一個

蚯

蚓

劈開搗新瓦上晒乾一兩

共研細末糕糊為丸每服一錢温酒送下

多骨癰門主論

陳運公曰有大腿邊旁長強穴間忽疼痛高腫變成癰疽久則肉中生骨以鉄拊取出已而又生人以爲多骨癰也誰知是濕熱毒所化乎夫多骨癰之生因人多食瓜果濕熱所成者也早治服一二劑便可解散無如因循失治以至濕滯添熱熱盛而化骨日久遷延臥床不能起也說者謂初起時未嘗有骨可以內散既生骨後必須爛骨外取未可全恃解散誰知不然蓋多骨症無形所化非肉中

真生骨也似骨而非骨耳真骨雖化似骨又何難
化之有治法利濕清熱而主之補氣血之藥骨自

消矣五神湯茯苓

一兩

金銀花

三兩

牛膝

五錢

水煎服

花地丁

一兩

車前子

一兩

水煎服二劑輕三劑骨

消四劑瘡口平五劑全愈此以車前茯苓利水地

丁清熱牛膝銀花補中散毒安得不奏功哉

水煎

王肯堂曰多骨疽又名曰刺骨又名朽骨生足脛上

生疽既潰甚久而不愈腐爛出骨者是蓋因毒氣

壅盛結成此骨非正骨也此疽因未潰之前補劑

太過故結毒而不散也

準編

岐天師曰多骨疽乃生於大腿之中多生一骨者是
乃濕熱而生者也治之得法則易易耳否則變生
可畏治以化骨至神丹卽愈苟或失治卽長一骨
橫插於皮間作痛必須取出此骨始愈以鉄鏃鉗
出之外以生肌膏貼之此方妙在用白芍蓋白芍
能平肝木又能活筋多骨疽者非骨也筋變爲骨
似骨而非骨也白芍不特平肝木之火兼能散肝
木之邪邪去則筋舒筋舒則似骨非骨者盡化又

加金銀花原能去毒此二味之所以相濟也

秘錄

雷真君曰大凡毒生環跳之穴卽多骨疽也

張仲景曰多骨之生也雖生於濕熱而成之不由濕熱也必平時喜飲凉水好食果品而成之初起宜消毒散敷之

陳實功曰多骨疽者由瘡潰後久不收口乃氣血不能運行至此骨無榮養所致細骨由毒氣結聚化成大骨由受胎時精血交錯而結日後必成此疽也但腎主骨宜服腎氣丸十全大補湯先補脾腎

次用艾附餅灸之令溫暖腐毒朽骨自然脫盡生肌斂口而愈 正宗

汪省之曰多骨疽患一二年不愈常落出骨一片或細骨或有蛙蝕眼或三五個月落骨一片此骨非營氣不從而生乃母受孕復感精氣而成 聖例

心法曰多骨疽母論老少皆有生者多在腮膀牙床眼胞頰下手足腿膊等處有因腎虛之人生瘡久硬不消口不收斂外被寒邪襲入與膿毒凝結於中借人之氣血化成多骨者又有初生落草肌肉

之中按之如有脆骨由胎元受之精血交錯而致
迨其人長大後必於脆骨之處突然發腫生疽及
潰後多骨脫出其口方收亦有多骨出之不休者
名曰骨脹難愈以上二因治法皆同俱用隔附子
并艾灸之以宣寒凝令骨速脫蓋骨屬腎遇寒則
凝故從熱治也

多骨疽門主方

固本養榮湯

治骨疽已成骨不吐出或既出不能收斂由氣血之虛脾胃弱也宜服之骨不出者自出口不斂者自斂

大熟地

當歸

白芍藥

川芎

牡丹皮

人參

山萸肉

白朮

懷山藥

黃芪

蜜炙各一錢

北五味

炙甘草

肉桂 各五分

水二鍾薑三片棗二枚煎八分食前服

生肌散

治腐骨脫出肌肉生遲不能收斂者

石膏

赤石脂

輕粉 各一兩

滴乳香

去油一錢

潮腦

瓜兒竭

龍骨

各三錢

右乳極細末先用當歸白芷甘草各一錢煎湯

洗淨患上用此乾摻軟油紙蓋裝二日一洗一

換

化骨至神丹 岐天師

金銀花

當歸

白芍藥 各一兩

茵陳

龍膽草

白朮

生甘草 各三錢

柴胡 一錢

水煎服

消毒散 張仲景

治多骨疽初起並敷一切癰疽痛毒無論有骨

無骨用之神效 凡疽生於環跳之間不用此

圍藥多成多骨疽用此藥則可免多骨之患

芙蓉葉 晒乾

大黃

五倍子 各一兩

膽黃

生明礬 各三錢

冰片

麝香 各三分

各為末米醋調成如厚糊塗於多骨疽之左右

四邊以藥圍其皮肉中留一頂如豆大外以醋

用鷺翎不時掃之若不掃任藥乾圍則無益矣

一日夜即內消

內消神方 雷真君

人參

天花粉 各三錢

大黃 五錢

蒲公英 一兩


金銀花 二兩

薏苡仁 三兩

先用水六碗煎薏苡仁取汁三碗投藥再煎三碗分作二次服一日服兩劑即消神效

咬骨疽門主論

陳實功曰咬骨疽發在大腿內股不腫不紅痛徹骨髓初宜雷火針針之內用萬靈丹酒調服之 正宗



箕門癰門主論

汪省之曰箕門癰生於股內近膝乃足太陰脾經濕毒所生

理例

又曰骨毒滯瘡又名腿發乃足太陰脾經生於腿上箕門穴如痛可治不痛難治十二日可刺如膿黃赤色可治青稀腐臭者不治其瘡赤白色是骨毒氣發於外十日內未膿必死

肉蜈蚣門主論

申斗垣曰肉蜈蚣生大腿外面皮膚不覺紅腫內裡
疼痛難忍治斯症者切不可輕用刀刺若誤犯之
毒氣直透心胸疼痛不止多致不救治當用白降
丹摻膏藥上貼三日後取下敗肉如蜂之狀再用
生肌等藥收功 啟玄

胡公弼曰肉蜈蚣所生之處乃是厥陰肝經部位風
濕鬱積氣血阻滯注久而成此毒一犯刀刺蜂毒
直入心胸母傳子受肆毒無忌直犯君主故多不

救青囊

玄疽門主論

陳實功曰玄疽生於左腿夾縫之下三寸漫腫連陰
疼及大腿 正宗

陰疽門主論

陳實功曰陰疽生於右腿夾縫之下三寸痛連腎子

小腹亦痛 正宗

膝蓋癰門主論

心法曰膝癰生膝蓋色紅焮腫疼痛屬氣血實疔疽亦生在膝蓋腫大如癰其色不變寒熱往來屬氣血虛和軟爲順堅硬如石者逆經云肉之小會爲谿谿者二肘二膝四腕也凡脾病在谿腎有邪其氣留於兩腰凡筋病皆屬於節筋乃肝之餘故又屬肝是以谿會有病皆從脾腎肝三經邪氣乘之也惟兩膝俱生屬敗證不可治也

膝眼毒門主論

申斗垣曰膝眼毒先必膝眼酸痛乃成此症乃腎經感受風邪寒濕相侵而受

敵立

注省之曰膝外癰是足少陽膽經膝內癰是足太陰脾經俱多氣少血乃膝間樞紐骨節行動之處宜仔細治之免成廢疾

理例

王肯堂曰托疽生於膝傍腿側乃足少陽膽經多氣少血陽關穴陽陵泉穴腫焮作痛半月有膿可治如不痛出鮮血或出青黑膿及長出頭漸多或腫

無定處者不治 準繩

靈樞云發於膝名曰疝疽其狀大癰色不變寒熱而

堅勿石之石之者死須其柔乃石之者生 堅如石者用生

樟六根
擦之效

書曰諸癰疽之發於節而相應者 劉涓子云應者不

可治也發於陽者百日死 陽節諸節發於陰者三十

日死 陰謂諸節
之關鄰間

膝眼風門主論

心法曰膝眼風生於膝眼穴

又名鬼眼穴在膝蓋之下左右兩骨空陷中

由下焦素虛外邪易於侵襲先從膝眼隱隱作痛如風勝則其痛走注不定寒勝則痛如錐刺濕勝則胖腫曲不能伸其病在筋伸不能曲其病在骨動移不遂沉寒錮冷之候也惟在臨證詳辨單膝生者輕雙膝生者重若左膝方愈復病右膝右膝方愈復病左膝者名過膝風屬險

鶴膝風



鶴膝風門主論

王肯堂曰兩膝腫痛股漸小曰鶴膝風一名鼓槌風起於中濕或因痢後脚弱緩痛不能行履名曰痢風或傷寒餘毒不能發散風寒濕氣結於經絡血脉不流以致筋愈縮而股愈細屬足少陽足陽明經

準繩

又曰膝上腫痛此非一端須要辨明若兩膝內外皆腫痛如虎咬之狀寒熱間作股漸細小膝愈腫大名鶴膝風急宜隔蒜灸服大防風湯倍加乳香以

住痛舒筋但一膝痛引上下不甚腫而微紅名膝
遊風膝之兩傍腫痛增寒壯熱晝夜偏劇腫處手
不可近爲膝眼毒膝蓋上腫痛者爲膝癰

準繩

又曰膝內臙近摺紋之處結核腫痛但核形長如魚
之狀名上水魚

陳實功曰鶴膝風乃三陰虧損不足之證上下腿細
惟膝眼腫大狀如仙鶴膝形初起寒熱交作亦宜
汗解如汗後腫痛仍不見消此陰寒深伏以大防
風湯溫煖經絡重者兼灸膝眼二穴敷以琥珀膏

亦可漸漸收功如以上諸法治之不效終成痼疾
不必強勉消之只宜先天大造丸史國公酒藥常
常服之或可轉重就輕移步行履尚可圖也

正宗

岐天師曰此乃因濕而戰立而行房水氣襲之故成

此疾

秘錄

李子永曰鶴膝風古人多用大防風湯內氣血藥並
用以病在下焦陰分故也如岐天師除去血藥想
用宜於初起之時如病久古方恐不可廢

馮魯瞻曰膝間腫痛不消防成鶴膝風以膝腫如鶴

足脛細脉多莖繫是也乃三陰經虛寒濕流注爲
患人多誤爲濕熱乃至膿成氣血大虧已不可救
矣不知此症與附骨疽俱腎虛者多患之因真氣
衰弱邪氣得以深襲前人用附子者以溫補腎經
又能行藥勢散寒邪也故體虛之人爲冷氣所襲
經久不消極陰生陽寒化爲熱而潰也若誤用寒
涼必成廢疾或攣曲偏枯或痿弱不起或堅硬如
石爲石疽或日久始潰皮肉俱腐爲緩疽下部道
遠非桂附不能下達也况腎主骨而髒以下俱屬

腎非桂附不能入其經而宣行也 錦事

可法良規云鼓槌鶴膝起於中濕蓋足膝屬肝肝有風寒濕氣則血脉阻滯不能流行注膝成病下股之血脉有去而無返是以愈瘦愈冷而筋愈縮上腿之血脉有積而無散是以愈腫愈熱而肌愈削其源若起於流注則內凝者必爛爛則冷毒腐骨腐骨一出神仙無術遂成難治廢疾當皮膚未破之時則肌肉尚未死急以玉龍膏熱酒調敷膝之上腿面接陽氣以住骨痛又以冲和膏敷上腿冷

處引其氣血使流動而下通貫血脉又以玉龍膏
熬骨膠處以接引所引之血脉以驅散所積之陰
氣內服追風丸倍加乳沒則無有不愈者矣

又云一切濕痰濕熱或死血凝滯等症患在關節流
注不行非用辛溫開發腠理流通隧道使氣行血
和焉能得效人畏附子有毒多不肯服若用童便
炮製何毒之有况中病卽已又不常服何足爲慮
經曰有是病用是藥者此也故大防風湯活絡丹
治脚氣鶴膝風症多效

張直人曰此病乃立而行房風濕侵於兩膝故成此疾然治法絕不治腎止治氣而自愈亦不必治風濕也 良方補遺

心法曰鶴膝風一名遊膝風又名鼓槌風痢後得者為痢風單生者輕雙生者最重潰後如出白漿浮皮腫痛仍前不可用蝕藥只宜用芙蓉葉菊花葉各五錢研末大麥米飲拌勻貼之亦可止痛或豆腐揼蒸熟捏作餅貼之亦可此證係外證中之敗證收功甚難

鶴膝風門主方

神方

岐天師

黃芪

八兩

薏苡仁

四兩

白朮

白茯苓

各二兩

防風

五錢

上肉桂

三錢

水十餘碗煎二碗分作二服上午一服臨睡一服服後以厚被蓋之必出大汗不可輕去其被令汗自乾即愈一服可也

不必再服此方妙在用黃芪以補氣蓋兩足之所以能動而舉步者氣以行之也今鶴膝之病則人之氣虛不能週到行步自然艱難今用黃芪半劬則氣旺極矣又佐之內桂以通其氣又佐之防風

以散邪始相惡而相濟又佐之白朮薏仁以去其寒濕之氣邪氣去則正氣自固此功之所以速成也若以爲人不能受畏而不用則反害之矣

又方

黃芩 四兩
薏苡仁 二兩
防風

川草薺 各三錢
牛膝 二兩
上肉桂 一錢

秦芫 一錢五分

水八大碗煎四碗作早中晚三次服不必蓋汗服下自有汗出閉坐房中不可見風俟汗乾再

出房門

又方

懷生地

牛膝 各三錢 炙黃芪

白朮 土炒

赤芍藥 防己

川續斷

薑黃 獨活 各一錢

當歸

白茯苓 各一錢五分 紅花

上肉桂 各六分

加薑二片棗一枚煎服如浸藥酒照方十倍用

木瓜酒二十觔元眼肉四兩浸飲

又方

生薑

葱去鬚各三動

共搗汁入酒糟半鍾熬一鍾聽用先以酒調麝香分許塗手心內擦兩膝眼上紅赤令透再用陳油紙攤前膏貼患處其熱如蒸拔出大小孔如針眼其腿即可伸縮行動矣

兩膝風

當歸

五加皮

生地

薏苡仁

木瓜

各一兩

牛膝

麝

焙八錢

防己

二錢

廣皮

半

夏

各三錢

嫩桑葉 炒二兩 秦 瓦 續 斷 各五錢

火酒八觔浸飲

鶴膝風

無名異 五錢 地骨皮 三錢 乳 香

沒 藥 各一錢 麝 香 一分

研勻用車前草搗汁入老酒調敷五日愈

張真人神方

生黃芪 一觔 釵石斛 四兩 遠志肉 此味最能 健膝

懷牛膝 各三兩

用水十碗煎二碗再入金銀花一兩煎一碗
氣服之服後覺兩足如火之熱教病人睡以
厚被蓋之汗出至湧泉始可去被否則斷斷不
可去也一服病去大半再服全愈不分久暫俱
可如法治之

鶴膝瘋 鎮江何仁源

當歸 二錢

鸛粟殼

獨活

羌活

藁本

蔓荊子

川芎

半夏

甘草

各一錢

明天麻 一分 錢二 白茯苓 八分 防風 七分

漢防已 六分

生薑三片 水二鍾 煎服

鶴膝瘋

直斬艾每次半筋煎湯乘熱薰洗洗一次漸消一

日洗數次消盡

鶴膝風

番木鱉

四兩酒泡蒸去皮用麻油四兩熬枯淨起

大楓子

淨仁二兩燈心全水煮 穿山甲 洗淨土炒

西附子

二兩大者童便煮過去皮
臍切片焙乾研細用一兩

以上四味共五兩和勻收貯磁瓶中每服七分
空心溫酒調服極醉出汗七服除根

小兒鶴膝門主論

馮晉瞻曰小兒鶴膝如鶴之膝又名鶴節因稟受腎
虛血氣不克以致肌肉瘦削形如鶴膝外色不變
膝內作痛屈伸艱難若焮赤壅腫而作膿者爲外
因可治若腫硬色白不作膿者是屬本性難療屬
外國者以荆防爲主佐以益氣養榮屬本性者以
六味加鹿茸補其精血仍須調補脾胃以助生化

之源 錦囊

湯醫大全


卷二十五

小兒驚風

三

顧氏秘書

人面瘡



人面瘡門主論

陳寶功曰人面瘡瘡象全似人面眼鼻俱全多生膝
上亦有臂上患者據古書云積冤所致先須清心
懺悔改過自新內服流氣飲外用貝母爲末敷之
乃聚眉閉口次用生肌斂口兼服調理藥 正宗

岐天師曰人生人面瘡有口鼻雙眼之全與之肉且
能食豈非怪病乎世人有以貝母末敷之而卽愁
眉閉口人以爲冤家債主也而余以爲不然蓋亦
有祟憑焉用輕雷丸其效甚捷蓋雷丸最能去毒

而逐邪加入輕粉深入骨髓邪將何隱用茯苓不
過去其水濕之氣耳

秘錄

又曰如有人臂上忽生頭一個眼耳口鼻俱全且能
呼人姓名此乃債主索負之鬼結成此奇病也此
症初起之時必然臂痛發癢以手搔之漸漸長大
久則漸漸露形大如茶鍾但無頭髮鬚眉而已如
用刀割之立刻死亡不救宜服解冤神丹服後亦
宜懺經念佛爲妙

申斗垣曰此瘡似人面有口鼻眼多生肘膝一種活

者能食口眼能動一種死者口眼俱不能動

厥立

人面瘡門主方

輕雷丸 岐天師

輕粉

白茯苓 各一錢
雷丸 三錢

研細敷上即消

解寃神丹 岐天師

人參 八兩
白朮 五兩
川貝母

白芥子
白茯苓
生甘草

青鹽 各三兩
半夏
白礬 各二兩

共為末米飲為丸每早晚白湯各送下五錢自

然漸漸縮小而愈病雖奇而方更神也

治人面瘡痛甚者

精猪肉切片貼之

又方

川貝母研末小蘆筒灌瘡口數日愈

治死人面瘡法

啟玄

雖瘡有口眼人面俱全不能動不能食故名曰
死人面瘡也

須俟人家有死人裝棺材煞釘時斧頭敲釘一下

用手指將瘡按一下男人患瘡用女人手按女人患瘡用男人手按按一下問患人一聲瘡好了患人卽答應一聲好了好了待敲釘聲止則止卽愈

骨槽疽門主論

申斗垣曰骨槽疽生於膝蓋上並脚踏上腕痛如刀
割癢似虫鑽急用艾灸疽上三五壯治同附骨疽
啟玄

伏兔疽門主論

心法曰伏兔疽乃胃經穴道在膝蓋之上六寸正中
用力大如手掌一堆高肉處是也患疽禁用針灸
如發寒熱交作疼痛徹心由胃火毒滯而成潰後
最難收斂

下石疽門主論

心法曰下石疽生於膝間毋論膝蓋及左右俱可生
堅硬如石牽筋疼痛腫如鷄卵皮色不變並無焮
熱難消難潰難斂但此證腫潰俱涼若能涼化爲
熱見諸善證者始吉否則難痊

腿膝緩疽門主論


王肯堂曰緩疽其患熱緩慢積日不潰久乃赤紫黯
色皮肉俱壞故名緩疽是寒氣深伏腿膝骨間而
成治宜溫補準繩

心法曰緩疽由外寒深襲血瘀凝滯而成生於兩膝
上或生於兩膝傍腫硬如餛木痛日增其色紫黯
積日不潰證之情形與下疳相似惟多焮熱腫
久則腐爛肌肉皮膚治與癰疽門法

下痲瘡門至論

申斗垣曰下痲瘡又名膝灣癰乃腎經感受寒濕攻
注膀胱血凝氣滯風寒不散遂成此症治當千金
內托散加木通車前子何首烏淡竹葉 啟玄

委中毒



委中毒門主論

王肯堂曰委中毒在膝後摺紋即膝後脰內約紋中
 堅硬如石微紅微腫屬少陽膽經由臟腑積熱流
 入膀胱治之稍遲則筋縮必成廢疾 準繩

申斗垣曰委中毒生於膝灣內乃腎經氣血阻滯而

成 啟玄

心法曰委中毒生委中穴

穴在膝後脰中央約紋陷中即是約紋者摺紋也又

名血都穴屬膀胱經俗名腿門經曰脰中由膽經積熱流入膀胱

壅遏不行而成木硬腫痛微紅屈伸艱難治宜速

用活血化痰逐下惡血爲效緩則筋縮而成廢疾
諸書皆云兼刺委中穴血出白消然刺穴必兼有
腰痛不能轉移者方可刺之卽出血亦不可過多
多則令人身撲面見脫色亦有焮痛色赤潰速者
由濕熱凝結所致故耳

四灣風門主論

心法曰四灣風生於兩腿灣及兩脚拘每月一發形
如風癰乃風邪襲入腠理而成其癢無度搔破津
水形如濕癰治當大麥一升熬湯先薰後洗搽三
妙散溲濕殺虫之藥其癢自止緩緩取效 全鑑

流火門主論

凡腿上或頭面紅赤腫熱流散無定以城水掃上旋起白霜者此流火也

流火兩脚紅腫光亮其熱如火者是

駱潛庵曰腿脚紅腫名火延丹

流火門主方

貼骨火

天茄子搗爛醋調敷

諸般火

黃 栢

草

烏

各等分

腳下火

研細末用水口中漱過吐出調藥鵝毛掃數次

煤炭研細陳醋調敷

流火 衛生備要

癩醫大全

卷三十五

流火方

三

顧氏秘書

野辣芥子五錢研細醋調敷

腳上流火

廣煤用紅糖醋磨敷

流火

當歸

生地 防已

川牛膝

知母 各三錢

生薑汁半杯水煎臨晚服服後再喫晚飯不可
過飽一劑卽好

流火

蘇薄荷 黃栢 滑 苓

赤芍 木瓜 甘草

陳皮 川芎 蒼木

川牛膝 羌活 苡薏仁

天花粉

葱薑引服一二劑加當歸澤瀉木通引換薑棗
自愈

敷流火

雄黃 百草霜 食鹽 各等分

瘍醫大全

卷二十五

流火方

聖

顧氏秘書

蚯蚓糞

塊煤炭 加倍

醋調敷

流火

馬前子水磨濃汁鷄翎掃紅腫上一日五七次其
疼卽止紅自退兩三日腫全消

流火腿脚通紅

用炭三觔燒紅以水一盆將紅炭淬入水內其水
必熱將紅處洗之卽消

流火脚氣

取活大蝦蟇肚子合足底以絹帛縛好看蝦蟇眼
睛紅卽解下放去另換一個縛之自愈

火延丹

白海蜃皮洗淨拭乾包紮腫處一伏時揭開看如
蜃皮黃枯卽另換一張包紮如此三四張卽消散
矣

腓膈部

自三里穴起至腓膈止一切癰疽瘡毒皆彙於此部
以便檢閱參治

三里發門主論

鬼遺方云三里兩處起癰疽名三里發初發如牛眼
睛青黑五七日破穴出黑血汁膿腫攻膀胱連腿
裡拘急冷痛此因傷筋氣勞力所成宜用湯藥注
射其外毒自平息矣

心法曰三里發生膝眼下三寸外側前廉兩筋間初
腫形如牛眼拘急冷痛由勞力致傷筋骨鬱熱凝
結而成漸增腫痛其色青黑潰出紫血次出稀膿

治同癰疽 全鑑

合陽疽門主論

汪省之曰合陽疽乃足太陽膀胱經濕熱之毒在腠

下腿外側理例

脚氣瘡門主論

心法曰脚氣瘡生於膝之下足之上腿脛腫胖癢痛
破津黃水上結黃痂皆由濕熱內搏滯於膚腠外
爲風乘不得宣通形類黃水瘡惟身體壯熱心神
煩躁經久難瘥爲異

全鑑



廉瘡

廉瘡門主論

陳實功曰廉瘡乃風熱濕毒相聚而成也外廉多服

四生丸內廉多服腎氣丸

正宗

馮魯瞻曰婦人兩廉生瘡或胎產調理失宜傷損脾胃或憂思鬱怒虧損肝脾以致濕熱下注外廉屬足三陽易治內廉屬三陰難痊若初起發腫赤痛屬濕毒所乘人參敗毒散若漫腫作痛或不腫不痛屬脾虛濕熱下注補中益氣湯或八珍湯加草薢銀花之類若膿水淋漓體倦少食內熱口乾屬

痺氣虛弱補中益氣湯加白茯苓酒炒白芍若午
後發熱體倦屬血虛前湯加川芎熟地或六味地
黃丸若肢體畏寒飲食少思脾腎虛寒十全大補
湯八味地黃丸色赤屬熱毒易治色黯屬虛寒難

治 錦囊

周文采曰夫臙瘡者皆由腎臟虛寒風邪毒氣外攻
三里之傍灌於陰交之側風熱毒氣流注兩脚生
瘡腫爛疼痛臭穢步履艱難此瘡生於臙骨爲重
以其骨上肉少皮薄故難易愈也 集驗

申斗垣曰裡廉是足厥陰肝經外廉是足陽明胃經

主之 敬立

又曰裙邊瘡是受裙邊風所致不戒房事故久久不
瘥

又曰腿廉生瘡最忌房事犯之則漸漸開張腐臭故
有傷守瘡之名言其不守禁忌也今人因其搔癢
遂疑瘡中惹指甲鋒名之曰傷手瘡實非也

又曰裙邊瘡卽褲口風瘡

又曰褲口毒生踝骨之上者是也

明醫集云一女子患賺瘡百藥罔效每月醫治新肉
長滿忽瘡中流血三日漸止別無他苦衆醫不識
或一醫問曰月經如期否女曰已一年不至矣醫
遂用引血歸經藥服之月餘外以生肌膏丹收口
而愈此乃抑鬱損傷肝脾錯經之證所以引血歸
經歸故道而瘡自愈矣

心法曰外賺屬足三陽經濕熱結聚而成早治易於
見效內賺屬足三陰經濕兼血分虛熱而成且賺
骨皮肉澆薄難得見效極其纏綿 全鑑

蔣示吉日癩瘡紅者多熱腫者多濕癢者多風痛者
屬實早寬而暮腫者屬氣虛下陷初起者風熱濕
毒爲多日久者下陷濕熱爲勝

說約

廉瘡門主方

驗方

陳燭油

熬去渣
淨四兩

白蠟

黃

蠟各五錢

共入鍋內熬數滾入研細銅綠三錢熬一滾傾入磁瓶內退火氣取陳油紙一塊銀針多戳小孔照瘡大小將藥攤上不可見火再用戳孔油紙一塊蓋上縫合聖用先將花椒葱煎湯洗瘡絹片拭乾貼上軟袱縛緊一晝夜揭開又洗拭淨將膏翻貼戒房事發物

又方

白蠟 五錢
真銀粉 二錢
冰片 五分

蘆甘石 一兩火煨兩個時辰黃白色用黃連一錢煎水拌勻曬乾

研細用麻油調勻攤油紙上照瘡大小剪成以下米水洗瘡拭乾貼上一膏可貼三日

又方

石夾明 一個煨
赤石脂 一錢煨
蘆甘石 童便浸煨一兩五錢

冰片 四分
麝香 二分

研細豬油調搽

又方

茵陳二兩

白蘚皮

蒼

朮各五錢

煎湯洗再用陳石灰黃柏末各等分研細篩於患上包紮數日卽愈

又方

黃蠟化攤冬青葉上貼縛定一伏時換一葉七日換七葉愈

又方

溱鷄屎敷之

瘍醫大全

卷二十五

癩瘡方

李

顧氏秘書

又方

黃蠟熔化油紙攤成膏十二張半日一換換時以先貼者加於上不待盡而愈矣

又方

韭菜地上蚯蚓糞乾為末入輕粉末清油調搽

白珥膏

銀粉 密陀僧 黃蠟各二兩

乳香去油 沒藥去油 象皮

白蠟各五錢 輕粉四錢

除黃白蠟不研餘俱另研細末聽用以真桐油
一匊放鍋內熬滾去沫油清入密陀僧末攪勻
取起入二蠟熔化攪勻待油稍溫方入乳沒象
輕末攪三百餘遍以大棉紙攤上陰乾隨瘡大
小圓長剪貼初貼時瘡中毒水流出血藥變黑
再換新者貼之

又方

先用臘猪油一兩黃蠟六錢熔化入研細鉛粉二
兩輕粉三錢攪勻加冰片一分任搽之

又方

黃蠟八錢香油一兩熬化入銅青一錢冷定敷之

又方

天花粉五錢

熟石膏八錢

研勻麻油調搽

又方

大片黃栢用健豬膽汁浸透晒乾又浸又晒如是
七日研細仍用豬膽汁調搽或乾搽先以花椒湯
洗拭乾搽之任癢止水

又方

白蠟八錢

黃蠟五錢

川椒二錢

銅青三錢

先將蘇油四兩全黃白蠟入銅杓內熔化次下川椒銅青末收之以油紙作夾紙膏用銀針戳眼數百孔先以葱椒湯洗淨貼之日換三次四五日全愈

又方

冬青葉不拘多少入香油內煎成膏攤帛上貼之

又方

甘蔗搗晒乾炒極燥為細末桐油調敷裂脚纏好
三日後方可開看先用芎椒湯洗

夾紙膏

川黃連

黃

栢

各二兩

大

黃

黃

丹

各一兩

牡

蠣

鬱

金

各五錢

沒

藥

四錢

乳

香

三錢

血

竭

二錢五分

麝

香

一分錢五

輕

粉

三十貼

共為細末清油調勻攤油紙上每一個貼三日

先用豆腐漿水洗三次後貼膏藥膏藥亦翻轉
三次兩層夾紙以針刺眼透藥臨用旋攤

隔紙膏 胡公弼

無名異 洗淨微炒一兩 龍骨 血竭

乳香 沒藥 雄黃

牛黃 阿膠 海螵蛸 各二錢

赤石脂 礞石 金 黃栢

黃丹 各五錢 輕粉 一錢

右為細末香油調用黑傘紙刺孔作隔紙膏貼

醫方類聚卷之五十一 疔瘡方 三十一 醫氏秘書

先用鹽蔥花椒湯洗淨拭乾貼之三日一換

賺潰成潭 方長平

白菊花不拘多少預收晒乾去蒂研末先以米泔水溫洗瘡淨拭乾將花末填滿瘡中用指按實有水浮起添末又按按至瘡乾無水再以草紙包好軟絹紫少頃開看如紙濕添末又按實包起過夜即結疤不必開看亦不可剝動五日全愈

久癩瘡疼痛不堪 濟生

松香如琥珀血竭 輕粉

枯礬

赤石脂 各二錢
銅綠 八厘

真麝香

冰片 各二分

右將各藥稱準乳鉢內不換手順研極細磁瓶盛封固如用每次二錢直桐油調勻油紙攤成隔紙膏兩邊不可戳孔用濃茶洗患處膿淨貼上每膏一張兩邊各貼一日第三日須另換新者半月可愈

治頑瘰久不收口干槌膏

輕粉

銀硃

銀粉 各等分

全健猪脊髓干槌成膏攤隔紙膏貼

又方

此山腎臟虛寒風熱毒氣流注兩腿

水銀 當歸 各五錢 川芎

貝母 各二錢 乳香 沒藥 各五錢

真麻油 五兩 黃丹 二兩五錢

除黃丹水銀外先將羣藥同麻油熬黑色去渣

下黃丹水銀又煎黑色用桃柳枝攪成膏油紙

攤貼

廉瘡血瘋臭不可聞痛不可忍者

栢油桐油入鍋內熬以老嫩得宜取傘紙攤勻照瘡大小剪就針戳密眼貼之或陳油紙亦可攤貼
白玉膏

治多年頑癩兼治大毒刀瘡久不收口

白蠟二兩猪板油四兩熔化濾清入潮腦六錢研
勻冷定加輕粉三錢冰片二錢和勻搥脚挑塗油
紙蓋止

廉瘡並治乳癰

桑白皮 取在土中根不見天日者去外面紅皮又去內裏筋骨只川白皮槌極爛如掃絮者

陳石灰 各等分

研勻全生桐油搗爛敷之

廉倉並治血瘋瘡

白 蠟

黃 蠟 各一兩頭

髮 麵洗去油罐內燬灰

礞 硃 各三錢

金頭蜈蚣 十條

右用麻油四兩熬滾中調攪勻以陳油紙或舊

毡攤勻聽用 先將患上用五皮湯或甘草湯

煎艾湯葱湯童便俱可淋洗洗去瘡上黑腐穢

物絹帕拭乾用黃蠟紙貼患上拔去惡水務須
勤洗勤換為主俟惡水去盡約十日外後用此
膏貼之腐肉自脫新肉漸生再上玉紅膏收口

傷守瘡 江以言

廣 炭 燒紅透 松花粉 各等分

研極細先將瘡用冷米泔水洗淨拭乾將藥乾
摻絹片紫好每日一換數次即愈

裙邊瘡 啟玄

大楓子 一百粒 川 椒 輕 粉 各一錢

枯 礬 五分

研細真栢油調搽

賺瘡數年爛腿 錢青榆

白蘆甘石煨淬醋內七次研極細麻油調敷日換

取效

又方 呂蜀生

嫩松香 鉛粉各二錢 葱白七寸

猪板油 一兩

全搗成膏貼之

腿瘡年久不愈

確口泥研細摻上立愈

濕毒癰瘡 章子試

桐油二兩加川椒三十粒煎枯椒爲度去椒不用
加研細輕粉二錢白蠟一兩收成膏用綿紙拖成
膏藥先用苦參洗淨瘡上貼之兩日一換三次愈

又方

醋浸冬青葉飯上蒸透拭乾貼之

又方

韭菜邊葉淨水洗過入滾水煎數沸取湯洗臙瘡
拭乾以搗槌爛敷瘡口紮緊一日一換數日愈

裙邊瘡 心鏡傳

嫩長桑根白皮刮去粗皮用不落水猪油搗勻敷
即愈

又方

梨葉百片猪油二兩將葉在鍋內炒拌次下研碎
上好白蠟二兩拌在葉內令化在葉上又下蠟一
兩亦拌在內但宜用微火燒不可使藥炒焦起

冷定貼之神效

又方

小蒜地上蚯蚓糞焙研麻油調搽

治脚上一切瘡抄本

珍珠

琥珀

輕粉

乳香去油

沒藥去油

石膏

黃丹各一錢
蝸牛殼四錢

乳細末搽

癩瘡五六年者

鉛一兩打極薄片剪碎和水銀三錢加去膜猪板
油研爛攤油紙上外以川椒二兩煎湯洗淨貼之
又方

黃牛屎尖用陰陽水各一碗和勻化開濾去渣加
醋一碗大冬青葉四十九片砂罐內文武火煮乾
留水醋半盞浸在內每日以葉貼瘡一天換三次
葉盡卽愈永不發

賺瘡潰爛 心岐傳

川椒

松香

黃

蠟 各一分

共研忌鐵器用連根葱白十四段共搗爛做夾
紙膏攤貼

抓傷腿臃傷水腫痛難忍者

鄭師甫云子嘗病此一
丐傳此方遂愈

耳垢封之一夕水盡出全愈

不拘遠近癩瘡

周鶴仙

舊爛牛皮鞋掌子取下砍碎陰陽瓦煨存性爲末
麻油調敷神驗之極

又方

油麵餛子一兩把葱白五六根全搗極爛將蒼洗

淨敷上用布紮緊印愈神效無比不可忽視

臙瘡棒瘡腫毒生肌收口可做隔紙膏貼 劉長隨

黃連 黃芩 黃柏

銀硃 紅花 紫草 各二錢

苦參 當歸 各五錢 大黃 三錢

研為細末 先用臘月猪油一觔切碎隔水煮

出油來去渣再入藥加羊膽二三個或牛膽一

個煮半炷香又濾去渣又加

乳香 去油 沒藥 去油 血竭

兒茶 明雄 各二錢 潮腦 五錢

冰片 一錢 黃蠟 切片三兩

乳細入內攪勻再煮半炷香傾入磁瓶內不可洩氣凡一切火毒敷之如神捧瘡貼一二張即好如有腐爛不盡之肉少摻輕粉腐去肌生如不收口用南北鉛霜一錢加紅升藥四分細細篩瘡上一二次即愈

麻瘡 吳魯南

鮮桑樹白皮搗爛全粽子再搗照瘡大小做成餅

貼上不過七枚全愈

又方

線香研細桐油調將油紙以針刺孔攤夾紙膏貼

又方

鳳尾草搗爛作餅敷之

又方 劉太初

葶藶仁 研爛

黃丹

乳香

沒藥

百草霜

松香 各等分

香油調或陳燭油調攤油紙上貼外以笄散布

條紫佳三日一換換時以葱根五七莖煎洗

又方

烏桕樹葉入醋內浸一宿貼患處不時換之

賺瘡並治杖瘡

桐油一半香油一半入槐花一合熬枯去渣入松
香五錢煎一沸又濾去渣又入黃蘗五錢熬至滴
水不散爲度再入乳細陳石灰枯礬各二錢乳香
沒藥血竭各一錢五分再熬黑單油紙攤膏先用
葱白防風煎湯洗淨膏貼患處候瘡好皮老再去

瘍醫

卷二十五

膏藥

又方

健猪膽汁四兩嫩松香八兩共搗干槌再入土地黃根一寸搗膏用六安茶葉上筋葉水浸軟以針刺孔將膏攤貼

又方 金元立

先用石膏豆腐全桐油拌均作餅如瘡口大貼上用油紙蓋住一日一換連換七日再用川黃柏細末全濃茶和成餅貼上絹片紮好每日搗去餅俱

用自已小便洗淨再用龍骨二兩乳香沒藥俱用

焙去新瓦鳳凰衣焙乾血竭兒茶各二錢共乳細末以竹

筒用紗幔作篩篩藥於瘡口自愈戒房事忌發物

此法並治驢眼瘡一切脚下毒瘡

又方

大蒜瓣子燒灰麻油調搽

又方

柿葉燒灰存性同川椒末搽

積年爛腿

新鮮白蘿蔔陰乾一兩日其皮破下貼上乾則再換數次愈

臙瘡風濕膏藥

張念亭

糧船上北葱三十六根先將蘇油一觔半熬入葱一根炭枯取起又炭一根如法將葱炭完濾清熬至滴水成珠入炒杭粉一觔和勻成膏攤貼

頑臙

汪七來

健猪脊髓五條熬油入銅綠三錢乳香沒藥各二錢成膏攤貼收口時去銅綠另熬一料貼之

諸瘡不收口

青石上白筋以刀刮下乳細全荔枝肉搗成餅貼

又方

五倍子 焙
百草霜 各等分

研細入黃蠟化勻攤隔紙膏貼

又方

黃 栢
輕 粉

醫細皆膽汁調用濃茶洗淨貼上絹包好一旬

一換

又方

桑樹裏白嫩皮

槐樹裏白嫩皮

搗膏做餅以生桐油浸之貼上疼痛漸止三日收口

又方

牛蹄甲油拌燒灰敷

又方

白蘿蔔搗爛罨一晝夜每日一換數日效

又方

豆腐皮爲末人乳調敷

又方

海蝶蛸研極細末搽之

又方

不見水豆腐搗做餅貼上毒水拔出然後用藥

又方

乳香去油沒藥去油

研細搽之定痛

血瘋瘡



卷二十五 血瘋瘡 三 野天秘書

血瘋瘡門主論

陳實功曰血瘋瘡乃風熱濕熱血熱交感而成也初起搔癢無度破流脂水日漸沿開形同針眼外搽解毒雄黃散如意金黃散俱可如年久紫黑堅硬氣血不行者用磁鋒砭去惡血再以神燈照法薰之以解鬱毒

正宗

鶴魯瞻曰婦人血風瘡因肝脾二經風熱鬱火血燥所致其外症身發疙瘡癢痛非常搔破成瘡膿水淋漓內症月經無定小便不調夜熱盜汗惡寒

熱倦怠懶食宜先用加味道遙散或小柴胡湯合
四物湯多加胡麻子後以歸脾湯加熟地去木香
此乃遍身所發血風瘡治法非單指足下血風瘡
也 錦囊

申斗垣曰血風瘡多在兩小腿裡外膝上至膝下至
踝骨乃血分受風邪而生也多癢抓破出黃水成
瘡坑內有虫 啟立

血瘋瘡門主方

驗方

白螺殼

叮東壁土
牆上者煨

密陀僧

竹蛀虫糞

各等分

研細將瘡用五皮湯或甘草湯洗乾摻

又方

田中蚯蚓糞瓦焙末醋調貼上卽癢不痛但癢定

卽長肉矣

又方

龜殼一個燒存性桐油調搽

又方

密陀僧研末多年陳竹燈掛燒瀝下油調搽

又方

輕粉

銀粉

舊皮靴底

糠炭各等分

共研細乾摻

又方

土黃連一兩

花椒七粒

食鹽二錢

胡椒

陳醋浸搽

又方

茵陳不拘多少煎濃汁洗

又方

土茯苓 一兩

健豬油 一塊

威靈仙

白朮

紅花

蒼朮

金銀花

生地黃

白殭蠶

荆芥

豬苓

澤瀉 各一錢

水二鍾煎一半早晚各服半盞

又方

白蠟五錢

松香二錢

生葱一根

猪油一塊

蜜糖半杯

共搗爛攤隔紙膏貼

又方

烏藥切碎以屋上陰陽瓦焙焦爲末醋調以鷄翎
掃上慢慢的半日工夫一二次卽好

又方

先看腿上瘡大小買紅油紙照瘡畧大一分剪如
式將鍋燒熱以紙鋪鍋內炙熱用黃蠟在紅紙上

摩遍取起冷片刻又放鍋內炙熱加輕粉末一二
指甲掃勻貼上奇效

又方

男子頭垢

不拘多少

破舊棉網巾

燒灰一錢

真香油煎熟調勻入真輕粉五分作膏貼之七

日全愈

又方

濟生

人指甲

三錢

血

餘

一錢

乳

香

沒

藥

各一錢

輕

粉

白

蠟

各五錢

冰片五分

建水

銀

二錢全鉛
二錢殿死

用桐油一鍾先將血餘指甲熬至指甲枯血餘
化取出研細俟油滴水不散離火下羣藥惟冰
片待冷方入攤貼

潮腦膏 啟立

黃連一兩

白芷五錢

輕粉

川椒各三錢

潮腦二錢

其為細末用熟菜子油調稠攤在一箇大碗底
上倒合將瓦高墊用艾四兩揉作十團燒烟薰

碗底上藥如油乾再添油并再薰必待艾盡乘
熱搽在患上外用油紙草紙包之次日即消不
過三宿全好

以氣麻瘡

先將溫茶將瘡痂潤透再以熱湯薰洗使痂自落
再用染坊靛花浮沫鷺翎掃上堆積爲度將膏貼
之如作癢以手撲之切勿抓破如有潰陷之處用
銅店極薄銅片照瘡大小剪貼吸盡毒水自然新
生

血瘋瘡及脚面瘡，藥用如金孔黃木汁，淨陰清腫，
先用葶揷敷，拔去木，再用棉花燒灰冷定，研細乾，
則生桐油調搽，濕則乾摻。

血瘋瘡並治疥瘡

烟膠 三錢
黃丹 一錢五分

研細香油或相油調搽

血瘋瘡牛皮癬三日見效除根

輕粉 黃蠟 各一錢

真蘇油半鍾煎化調勻，用油紙攤膏貼上，外將

布紫緊不可動自有功效

血瘋癩瘡隔紙膏

麻油半盞文武火熬人白蠟一兩黃蠟二兩又熬
離火下飛丹二兩攪勻入乳細蘆甘石乳香沒藥
血竭兒茶各五錢輕粉三錢冰片一錢作隔紙膏
貼之

血瘋瘡

馬齒莧 焙乾淨末五錢 丹 飛 黃 栢

兒 茶 枯 礬 各三錢 輕 粉 一錢

湯醫大全

卷二十五

血瘋方

全

顧氏秘傳

其木生栴油調搗細上先用葱楠湯洗淨與之

血瘋瘡並治癬瘡虫瘡坐板瘡疥癩瘡

大楓肉

蛇床子

各五錢

水

銀二錢

枯 礬

白

錫

各一錢

為末先將錫化開次入水銀再入末藥栴油共

搗勻搽瘡宜乾些臘猪油亦可用

血瘋頑腫

揚州房揚文

蘆甘石

用黃連黃芩黃柏各一錢煎湯身石火燉

象牙末

微炒

銀

硃

各三錢

黃

蠟

白蠟 各五錢
輕粉 一分 錢五
官粉 煉黃色

米片 三分

猪板油四兩先熬去渣入二蠟化開離火下細藥攪勻用連四紙七張層層攤勻將瘡先用葱湯洗淨貼之三日揭去貼內一張即好七張重疊一齊貼上三日揭去揭完全愈

血瘋瘡 張太和

野芹菜搗爛敷五七分厚油紙裹緊二次愈

年久生瘡孔如蜂窩及膿水瘡血瘋瘡

如意草搗爛敷或陰乾微炒研末鷄蛋清調搽
血瘋瘡流水作癢

煮鷄蛋黃熬油和黄丹再加輕粉少許搽

又方

飛丹

輕粉 各一錢
冰片 一分

共乳細先用防風荆芥銀花甘草煎湯洗淨再
搽紙包好

又方

枯礬

海螵蛸

黃蠟

銅礫

輕

粉

各等分

研細入麻油熬成膏敷

血槽風門主論

申斗垣曰血槽風生小腿貫處可治毒氣多流脚面
如脚發背 破立

濕腫門主論

陳實功曰濕腫者胸膈不寬小水不利面目浮腫漸至偏身此乃土傷不能生化之故也有飲食後驟受風寒有饑渴時悞殮生冷寒積於中食不尅化皆能致之治當疏通稼土溫養脾元則小水自利浮腫自消二蛟散主之 正宗

濕腫門主方

敷水腫

乾黃土 四兩

朴硝 一兩

生大黃 二兩

研細葱汁調敷

腎臟風瘡門主論

王肯堂曰腎臟風屬腎虛風邪乘於臙脛以致皮膚
如癬或漸延上腿久則延及遍身外證則瘙癢成
瘡膿水淋漓眼目昏花內證則口燥舌乾腰腿倦
怠吐痰發熱盜汗體疲治當用六味地黃丸準繩
心法曰腎氣遊風多生於腎虛之人腿肚紅腫形如
雲片遊走不定痛如火烘此由腎熱內蘊外受風
邪膀胱氣滯而成

腎臟風瘡門主方

腎氣遊風紅腫痛癢如烘

豆腐研調黃栢末敷之

黃蠟膏

龍骨煨

赤石脂煨

血竭各三錢

共研細末用香油一兩入血餘一團栗子大一團煤枯去

渣再入黃蠟一兩白膠香三錢溶化離火再入

前三味末攪勻候冷磁罐盛之用時捏作薄片

貼瘡上絹帛縛定三日後翻轉貼之

濕毒流注門主論

土肯堂曰濕毒流注生足脛之間生瘡狀如牛眼或紫或黑膿水淋漓止處卽潰爛久而不斂乃暴風疾雨寒濕暑氣侵入腠理而成

準繩

又曰下注瘡又名濕毒瘡生脚膝間膿水不絕連年不愈因脾胃虧虛濕熱下注以致肌肉不仁而成瘡也

在外屬足太陽少陽經在內屬足厥陰太陰

經女貞葉貼之效

胡公弼曰皮如針眼淌水腥臭腿脚延蔓者是也拖

紙膏主之 青囊

申斗垣曰兩腿腐爛臭氣難聞者是也乃濕熱爲患

宜清濕熱 啟玄

凡濕毒所生之瘡皆在兩足脛足踝足背足跟初起
微癢水出久而不愈內服補中益氣湯合二妙散

外搽製栢散爲主 良規

心法曰此症生於腿脛流行不定或發一二處瘡口
形似牛眼根脚漫腫輕則色紫重則色黑潰破膿
水浸損好肉破爛日久不斂乃暴風疾雨寒濕著

火侵人肌膚而成也初覺急服荆防通聖散加木
瓜牛膝防已蒼朮消之若腿脛至晚發熱者宜服
當歸拈痛湯加牛膝腫痛全消再搽輕粉散歛之

全鑑

濕毒流注門主方

製栢散

厚黃栢數觔入糞坑內浸一百日取出入黃土內埋三日取出晒乾研細末如瘡有水乾摻乾則以蜜調搽

分濕消毒丹

黃丹 二兩

鉛粉 炒

白蠟 各一兩

乳香 去油

沒藥 去油

兒茶

潮腦

松香 各三錢

輕粉 一錢

血竭 五錢

冰片

麝香 各五分

銅綠 三分

蚯蚓糞

韭菜地上者二兩
炒乾一兩五錢

共為絕細末先用葱湯洗濕之時摻在瘡口之上必然癢不可當但不可用手抓其癢少頃必流黃水如金汁者數碗再用葱湯洗之又摻又流又摻如是者三次則水漸少而痛漸止矣明日用前膏藥以厚皮攤膏仍入此藥二錢任其水出倘癢之極外以鶴翎掃之則不癢

分濕內化湯

慈黃仁 二兩

金銀花

白茯苓 各一兩

牛膝

半夏

甘草

川草薺 各五錢

肉桂

五分

水煎服

搗紙膏 吳丹垣

蔗油半筋入廣膠一條熬化再下黃蠟二兩熔化

傾碗內入血丹玄明粉各二錢五分皮紙攤貼敷

次即乾

輕粉散

輕粉 一錢五分

黃丹

黃栢

密陀僧

茶葉

乳香

去油各三錢

麝香 三分

研細密貯先用葱熬湯洗淨再搽

爛腿瘡 懷德堂

百草霜

乳香 去油

密煤 各三分

沒藥

去油一分五厘

血竭

龍骨

輕粉

各一分

生芝蔴

一撮

生鷄子調做隔紙膏貼

兩脚俱生青疔瘡腫痛骨疼

獨蒜切片約三個錢厚放青處艾灸三炷換蒜又
灸至愈若患處大搗蒜餅鋪上聚艾灸之

腿上濕瘡成片出水時痛時癢

黃 栢 一兩 乳 香 三錢 加 瘡 潮 腦 二錢

共為細末乾摻如瘡乾猪油調搽

三妙散

生蒼朮 檳 榔 生黃栢 各等分

研細搽之溼濕止癢如濕癬用蘇合油調搽

螻蛄散 張景岳

治濕熱破爛毒水淋漓等瘡或下部腎囊足股
腫痛下疳諸瘡無不神效

海螵蛸 不必浸人中白或人中黃亦可
淡 各等分

右爲細末先以百草多煎濃湯乘熱薰洗後以
此藥摻之如乾者以麻油或熟猪油蜜水俱可
調搽 如腫而痛甚者加冰片少許更妙若濕
瘡膿水甚者加密陀僧等分或煨過官粉亦可
或煨爐甘石更佳

飛丹散

寒濕風濕脚腿等瘡先用百草煎湯乘熱薰洗

飛丹

人中黃 白更妙 輕粉

水粉 各等分

爲末乾摻外以油紙包裝若乾陷者以猪骨髓
或猪油調貼之



附陰疽

附陰疽門主論

陳實功曰附陰疽生在內踝上三寸初生小泡漸生
赤腫破流血水痛亦徹骨不能步履者是 正宗

心法曰附陰疽生內踝上三寸初如紅粟疼痛日增
堅硬赤腫漸如雞卵係三陰交會濕熱積聚而成
治同癰疽但三陰交係純陰之穴收斂遲緩調理

不可不慎 全鑑

瓜藤纏門主論

王肯堂曰瓜藤纏生足股生核數枚腫痛久之潰爛

不已屬足太陽經由臟腑濕熱流注下部所致

準繩

心法曰若濕熱下注遶脛而發結核數枚日久腫痛

腐爛不已名曰瓜藤纏

全鑑

接骨發門主論

鬼遺方云兩脚接骨近上膀肚下一處起丹疽如胡

桃大硬如物打磕之狀不苦痛但腫急脹慮其損

筋亦須早出膿毒可保平安

心法曰接骨發生於腿肚之下脛骨與足後跟骨相
接處故名之此屬膀胱濕熱凝結而成初如核桃
其硬如物打磕礮之狀急脹微疼色紅漫腫膿宜
速潰遲則膿毒損筋筋脉既傷腿缺腫行腫行者
不能全足踏地惟恃足指着力而行也治全癱疽

門法 全鑑

黃鯁癰門主論

心法曰黃鯁癰生於小腿肚裏側疼痛硬腫長有數寸形如泥鯁其色微紅由肝脾二經濕熱凝結而成破出稠膿者吉潰出污水者危治同癰疽門法

鱗漏門主論

心法曰鱗漏緣濕熱而成初起頗類濕瘡生於腿肚痛癢相乘破流黃水線線不已其孔深如鑽眼復受寒氣侵入瘡口以致瘡寒肌冷宜每日用艾葉老葱熬湯先薰後洗俟瘡口發熱覺癢時貼黃蠟

膏收歛而愈全盤

青蛇便門三論

鬼遺方云青蛇便生足肚之下結塊長二三寸許寒
熱大作飲食不進屬足少陰與足太陽二經出腎
經虛損濕熱下注所致頭向上者難治頭向下者
刺出惡血如老弱之人嘔吐腹脹神昏脉躁者死
王肯堂曰青蛇便生足小踳上下頭生望上攻走入
腹者不可治頭生向下尾在上卽爲順可治也華
申斗垣曰青蛇便卽青蛇癰生小腿上有一條如蛇
大者爲頭小者爲尾初起宜表汗欬立

心法曰青蛇毒卽青蛇便生於小腿肚之下形長三
三寸結腫紫塊癩頭大尾小憎寒壯熱火痛不
食皆由腎經素虛膀胱濕熱下注而成蛇頭向下
者毒輕而淺急刺蛇頭半寸出紫黑血隨針孔搽
拔疔散外敷離宮錠內服仙方活命飲加黃栢牛
膝木瓜亦有蛇頭向上者毒深而惡急刺蛇頭一
二寸出紫黑血針孔用白降丹細條插入五六分
外貼太乙膏敷紫金錠若毒入腹嘔吐腹脹神昏

脈躁俱爲逆證

全鑑

脛疽門主論

靈樞曰發於脛名曰兔啮其狀如赤豆骨急治之不急治害人也

魚肚癰門主論

申斗垣曰魚肚癰生小腿肚上多因幼小坐臥濕地引入風邪寒濕透入骨間遂成此症半月不治毒氣攻心則死啟玄

腓膈疽門主論

王肯堂曰腓膈疽生足小肚寒熱煩躁屬足

少陰腎經由腎水不足積熱所致古云不治潰
出血膿生潰出清水者死準繩

又曰風疽生脚脰及曲脰中癢搔則黃汁出準繩

心法曰腓脰即小腿肚也由腎虛膀胱積熱凝

結而成古方悉云不治若炊赤高腫疼痛

潰出正膿而兼血者為順如漫腫下塌紫

暗譽痛潰出清水者為凶初服仙方活命

飲潰後八珍湯氣血兩靈十全大補湯下

虛者用八味地黃丸補之全鑑

終